

ত্ৰিপুৰা হাফাঙ
ককথুম তেই হুকুমু দাগিখুঙ

স-২৭৫০

আগৰতলা, ৬ সেপ্টেম্বৰ, ২০২৫

এনএসআৰসিসিঅ ব্যাডমিন্টন চ্যাম্পিয়নশিপন' চেঙগাঁই ৰীখা

তাবুকনি সিকলা বসঙন' তেইব' কীবাঙ খীলায় খীঙমুঙ
বাই গীদালাই তননা নাংনাই : মন্ত্ৰি অকীরা

সাক তেই খা উনসুকমুঙনি হামকীরাইনি বাগাঁই তেই এণ্টাৰটেইনমেন্টনি বাগাঁই খীঙমুঙ আংখা কায়সা লামা। কাহাম হুকুমুনি হামকীরাইঅ, নায়থক লুকুবসঙ সঙচানাঅ খীঙমুঙ য়াসি কায়জাকনাই সামুঙ তাঙগাঁই তঙগ'। খীঙমুঙ বাই বাকসা কীৰীঙগাঁই তঙখে খা উনসুকমুঙব' কাহাম তঙগ'। তাবুকনি সিকলা বসঙন' তেইব' কীৰাক খীলায়না বাগাঁই খীঙমুঙ বাই কীৰীঙ ৰীনা নাংনাই। থাংনাই ৪ সেপ্টেম্বৰঅ আগৰতলানি নেতাজী সুভাষ ৰিজিওন্যাল স্পোৰ্টস ট্ৰেনিং সেন্টাৰনি ইভোৰ স্টেডিয়ামঅ ইউনেস্ক' সানৱাইজ নৰ্থ-ইষ্ট জোন ইণ্টাৰস্টেট জোনাল ব্যাডমিন্টন চ্যাম্পিয়নশিপন' চেঙগাঁই ৰীই মন্ত্ৰি অকীরা প্ৰফেসৰ (ডা.) মানিক সাহা অ কক সাখা। সালবীৰীইনি অ বাতায়লায়মুঙগ' নৰ্থ-ইষ্টনি ৮টা হাসতেনি জুনিয়ৰ তেই সিনিয়ৰ বেদেগ' ২১৬ জনা ব্যাডমিন্টন খীঙকীৰীঙৰগ মানজাক ফায়খা। অ বাতায়লায়মুঙ তঙনায় বীসকাঙনি ৭ সেপ্টেম্বৰ জৱা।

চ্যাম্পিয়নশিপনি চেঙমুঙনি পানদাঅ মন্ত্ৰি অকীরা সাখা, অ চ্যাম্পিয়নশিপ নৰ্থ-ইষ্টনি ব্যাডমিন্টন খীঙনাইৰগনি ৰীঙমুঙনি হামকীরাইঅ য়াসি কায়জাকনাই সামুঙ তাঙনায়। অ আমচায়নি হাসতেরগ' খীঙকীৰীঙৰগনি বিয়াল কীৰীই। নৰ্থ-ইষ্টনি হাসতেরগনি ৰাঙথঙ তেই লুকুবসঙনি হামকীরাই খীলায়মা বাই বাকসা মন্ত্ৰি বখৰক নৱেন্দ্ৰ মোদি খীঙমুঙনি হামকীরাইঅব' বাকসা খীলায় ফানবকসিনীই তঙগ'। অ আমচায়নি হাসতেরগ' খীঙমুঙনি বেখেরেপনি হামকীরাইঅ জুদা জুদা উনসুকতাঙ ৰমীই সামুঙগ' বজাগাঁই তঙগ'। মন্ত্ৰি অকীরা সাখা, হাসতেঅ খীঙকীৰীঙৰগনি বিয়াল কীৰীই। হাসতেনি খীঙকীৰীঙৰগ হাকতৰ তেই হাযুঙৰেমঅ জুদা জুদা খীঙমুঙ বাতায়লায়মুঙগ' কাহাম মাৰি মানীই তঙগ'। তাবুকনি হাসতে হাফাঙ হাসতেনি খীঙমুঙ বেখেরেপনি কীবাঙকুকন' হামকীরাই খীলায়খা। অ সামুঙ বীসকাঙনি সাল'ব' তাঙজাগীইন' থাংনাই। ব সাখা, সালকিসা সীকাঙ হাসতেনি জুদা জুদা থায়' ৮টা সিন্থেটিক টাৰ্ফ ফুটবল মাঠ খীলায়জাকখা। মৰ্ডান সুইমিং পুল সীনামজাকখা। উমাকান্ত স্টেডিয়ামঅ সিন্থেটিক টাৰ্ফ সীনামজাকখা তেই হৰ'ব' ফ্লাড লাইটঅ ফুটবল খীঙনানি বাগাঁই সেপ খীলায় ৰীজাকখা। হাসতে গীনাঙগাঁই সালকিসা সীকাঙ ৫০টা ওপেন জিমন্যাসিয়াম খীলায়জাকখা। বাধাৰঘাট স্পোৰ্টস কমপ্লেক্সঅ ২০০টা থুয়াম গীনাঙ স্পোৰ্টস হোস্টেল সীনামজাকনায়।

অব'হায়খেন' হাসতে গীনাঙগাঁই থাঁঙমুঙনি বেখেৰেপ সঙচাউই তিসানানি সামুঙ তাঙজাগাঁই তঙগ'। বাতায়লায়মুঙগ' মানজাক ফায়নায় থাঁঙকীৰীঙরগন' হাসতেনি বেরায়খিৰি থায়রগ' বেরায় রীনানি বাগাঁইব' মন্ত্ৰি অকীরা কক কীচাৰখা। চেঙমুঙনি পানদানি উল' মন্ত্ৰি অকীরান' খবাঁই নারুডাইরগ থাঁঙকীৰীঙরগ বাই সিনিমুঙ নাউই ককলাম সালায়খা।

চেঙমুঙনি পানদাঅ ককমুঙ নারীকখা সিকলা হামকীরাই তেই থাঁঙ নাইখুঙনি সেক্রেটরি ড. প্রদীপ কুমার চক্ৰবৰ্তী। ব সাখা, হাকতর রেমঅ ব্যাডমিন্টনঅ হাসতেনি থাঁঙকীৰীঙরগনি মুঙ জতনি থানি কীচাঙ আংগাঁই তঙগ'। ব খা খীলায় সাখা, অ বাতায়লাইমুঙগ' হাসতেনি থাঁঙকীৰীঙরগ বরগনি সিনিমুঙন' কীচাঙ খীলায়ন' নারীকনাই। ককমুঙ নারীকখা ত্ৰিপুরা স্পোর্টস কাউন্সিলনি সেক্রেটরি সুকান্ত ঘোষ। মানজাক ফায়খা আগরতলা মিউনিসিপাল কর্পোরেশননি মেয়র এবাখে এমএলএ দীপক মজুমদার, আগরতলা মিউনিসিপাল কর্পোরেশননি কর্পোৰেটর রত্না দত্ত, সিকলা হামকীরাই তেই থাঁঙ নাইখুঙনি দাগিফাঙ এল ডাৰ্লং, পদ্মশ্ৰী দীপা কর্মকার, ত্ৰিপুরা ব্যাডমিন্টন অ্যাসোসিয়েশননি সেক্রেটরি রূপক কুমার সাহা, ওয়াকিং প্ৰেসিডেন্ট রতন সাহা, মণিপুর ব্যাডমিন্টন অ্যাসোসিয়েশননি প্ৰেসিডেন্ট এবাখে এমএলএ বিশ্বজিৎ সিং আকসঙ। চেঙমুঙনি পানদাঅ হুকুমুনি পানদাব' সঙচাজাকখা।

৪.